


សេចក្តីណែនាំ
ក្នុងការងារស្រាវជ្រាវ



គោលការណ៍ស្រាវជ្រាវ
ស្រាវជ្រាវស្រាវជ្រាវ
ស្រាវជ្រាវ

AWIG-AWIG

DESA ADAT BUNGA MEKAR

DWI KUKUH LESTARI .

Br. ADAT. KARANG DAWA .

Hari SELASA . 17 / Juli / 2007 .

Keputusan : Utusan . pura penataraz ped .

Krama . → Dengan Jalan Bergilir / Setiaps

Talyan Baru Boleh Si ganti .

AN

Krama ds. Karang dan

KACAMATAN NUSA PENIDA

KABUPATEN KLUNGKUNG

2001

2013 .

MURDHA CITTA

Malarapan sésing panghyangning, Ida Sang Hyang Widhi Wasa asung kerta nugraha ngwentenang kauripan sekala niskala, ring Buana Agung lan Buana Alit. Manut dresta Desa Bunga Mekar wantah pawakan pasayuban krama rauhing kulawarga pawongannia. Desa Bunga Mekar kaanggehang Buana Agung, pawongannia suang-suang pinaka Buana Alit.

Sötaning Buana Agung, Desa Bunga Mekar wantah pawakan Bawana maurip jangkep saha Tri Hita Karanania luire :

- ha. Parhyangan, sahaning kahyangan, panyiwian desa genah ngarcana Ida Sang Hyang Parama Wisesa maka jiwana desane;
- na. Pawongan, krama saha warga Desa Bunga Mekar maka sami mapawakan bayu pramana, mawinan desane sida molah maprewerti;
- ca. Palemahan, tanah kakuuban desa sinanggeh stulaning Desa Bunga Mekar.

Adung patemon buana kalih, larapan santa jagadhita, sinanggeh murdhaning prayojana pangriptaning Awig-Awig Desa Adat pakraman ring paseban mami krama desa adat.

Pinaka sepat siku-siku pamatut, wastu prasida, prayojanan mami kabeh prasama angidep muah amagehaken kadi linging awig-awig iki.

DESA BUNGA MEKAR

PIDAGING
MAKA BANTANG AWIG-AWIG DESA ADAT BUNGA MEKAR

Murdhacitta	ha
Pidaging maka bantang Awig-Awig Desa Adat Bunga Mekar	na
PRATHAMAS SARGAH: Aran lan Wewidangan	1
DWITIYAS SARGAH: Patitis lan Pamikukuh.	2
TRITIYAS SARGAH : Sukerta Pamitegep.	2
Palet 1 Indik Krama	2
Palet 2 Prajuru Desa	6
Palet 3 Indik Kulkul.	8
Palet 4 Indik Sangkepan lan Paruman	10
Palet 5 Indik Druen Desa	12
Palet 6 Pangunyan Banjar	13
Kaping 1 Karang lan Tegal	13
Kaping 2 Kakayonan.....	15
Kaping 3 Indik Wewangunan.....	16
Kaping 4 Indik Wewalungan.....	16
Kaping 5 Indik Bhaya lan Dusta	18
Kaping 6 Pangunyan Banjar	20
CATURTAS SARGAH : Sukerta Tata Agama	20
Palet 1 Indik Dewa Yadnya	20
Palet 2 Indik Resi Yadnya	25
Palet 3 Indik Pitra Uadnya.	25
Palet 4 Indik Manusa Yadnya	30
Palet 5 Indik Bhuta Yadnya	31

PANCAMAS SARGAH : Sukerta Tata Pawongan	33
Palet 1 Indik Pawongan	33
Palet 2 Indik Nyapihan	38
Palet 3 Indik Sentana	39
Palet 4 Indik Warisan	42
SAT SARGAH : Wicara lan Pamidanda	44
Palet 1 Indik Wicara	44
Palet 2 Indik Pamidanda	45
SAPTAMAS SARGAH : Nguah-Nguuhin Awig-Awig	47
ASTAMAS SARGAH : S a m a p t a	48

PRATHAMAS SARGAH
ARAN LAN WEWIDANGAN DESA
PAOS I

1. Desa Adat puniki mawasta Desa Adat Bunga Mekar
2. Jebar kakuub wewidangan mawates nyatur sakadi ring sor :
 - ha. Sisi Kangin : Lejih Kangin, DS pakraman sebuluh.
 - na. Sisi Kelod : Sagara.
 - ca. Sisi Kauh : Tukad Panggang. Sagara.
 - ka. Sisi Keler : Tukad Sebuluh Lawah. DS pakraman sompang.
3. Desa Adat puniki kawangun antuk karang desa miwah gebogan krama, tur kaepah dados ²banjar, luire :
 - ha. Banjar Pundukaha Kelod. Br. Karang Lawah.
 - na. Banjar Gelagah. Br. Penangkidas
 - ca. Banjar Pikat.
 - ra. Banjar Pundukaha Kaja.
 - ka. Banjar Behu.
 - da. Banjar Penangkidan.
 - ta. Banjar Karang Dawa.
 - sa. Banjar Sebuluh Kawan.
 - wa. Banjar Batu Gaing.

DWITYAS SARGAH
PATITIS LAN PAKIKUKUH
PAOS 2

Desa Adat Bunga Mekar ngamanggehang pamikukuh makadi :

- ha. Pancasila
- na. Undang-Undang Dasar 1945
- ca. Tri Hita Karana manut sadacara agama Hindu

PAOS 3

Luir Patitis Desa Adat Bunga Mekar sakadi ring sor :

- ha. Mikukuhang muang ngrajengan Sang Hyang Agama
- na. Nginggilang tata prawertining maagama
- na. Ngrajegang kasukertan desa saha pawonganian sakala lan niskala.

TRITIYAS SARGAH
SUKERTA TATA PAKRAMAN

PALET 1

INDIK KRAMA

PAOS 4

- Desa Pakikuh Lestari*
1. Sane kabaos Warga Desa Adat Bunga Mekar inggih punika sahananing jadma sane magama Hindu, jumenek ring wewidangan Desa Adat Bunga Mekar, satinut ring daging awig-awig lan pamargin Desa Adat Bunga Mekar.

2. Sane kabaos krama Desa Adat Bunga Mekar, inggih punika warga desa sane sampun marabian, ngamong wiadin tan ngamong karang desa, nyungsung Kahyangan Desa, tur satinut ring daging awig-awig lan Pararem Desa Adat Bunga Mekar.
3. Jadma sane mayed saking Desa Adat Bunga Mekar, naging magenah ring dura desa kangkat sareng makrama desa, swadharmania kamanggehang manut pararem.
4. Sajaba sane kabaos ring Ayat (1), (2), lan (3) ring ajeng kabaos tamiu, majalaran antuk :
 - ha. Malelungayan;
 - na. Sasudian Desa utawi Guru Wisesa;
 - ca. Duduk-dudukan;
 - ra. Masundulang raga;
 - ka. Ngrereh pangupajiwa mwang larapan sane siosan.
5. Tamiu kapalih dados 2 paos luire :
 - ha. Tamiu sana magama Hindu : yan sampun tumekel lintang ring 35 rahina patut katedunang makrama Desa, sawawining sang kasudi olih guru Wisesa;
 - na. Tamiu sana magama siosan : kapatutang naur jinah pasukadukan manut pararem yaning sampun jumenek ring 35 rahina.

PAOS 5

1. Swadharmaning krama Desa patut keni ayah-ayah sakadi ring sor :
 - ha. Krama ngarep ngamargiang ayah krama ngarep;
 - na. Krama pangele ngamargiang ayah krama pangele;
 - ca. Krama kaputungan ngamargiang ayah krama kaputungan jantos mayusa 60 warsa.

2. Anak-anaking Keana sane sampun munggal dèta wiadin truna patut ngamilestin sèssa truna, tur kangkat ngamargiang zyah-zyah krama.
3. Sahananing keana patut sungkem ring tabwak saking Guru Wisesa.

PAOS 6

1. Wetal-wetalan mizang urutan Dèta sakadi ring sor :
 - aa. Keana ngarep kèti peson-peson miwah paturunan mamungkul;
 - ba. Keana pangele kèti urutan lan peson-peson satenga saking krama ngarep;
 - ca. Keana kapuluhan kèti peson-peson patch sakadi krama ngarep jantos mayusa 60 wata, sakaturipun patut luput sahananing peson-peson.
2. Prabi ring dèta wenten pakaryan tane abot, patut karemba antuk krama lan waga dèta tane.
3. Tane wenten krama tane ngamulin kadi kecap ring ajeng, wenang keni pamilihan manut parasta.

PAOS 7

1. Swadharcaning tamiu patut ninutin pamargin kerta lan tata kasutreptian Adat Bunga Mekar.
2. Keana tane ngaksa tamiu patut matur supeksa ring prajuru desa tan kasepan ring awang.
3. Tamiu sasudhan Guru Wisesa sane jumenek ring Desa Adat Bunga Mekar kuduang ring 25 rahina kakeninin dana punia nyabran wenten karya, utawi pabalau ring Kabayanan Tiga.

PAOS 8

1. Krana sune wening polih leluputan pamargi utawi ayah-ayahian liure :
 - ha Para Pamangka Desa,
 - na Prajuru lan pucalang Desa,
 - ca Krana sune Cédangga budget utawi sungkan tahunan,
 - ca K. a abuh utawi krana tapukan sadurung mayusa 17 warsa
2. Leluputan inucap manadika sakadi ring sor :
 - ha Para pamangka luput ayah-ayahian, peson-peson miwali urunan
 - na Prajuru polih luput wedal-wedalan reramon kewanen
 - ca Krana sune cedangga budget lan sungkan tahunan polih luput manut pararem
 - ca Krana balu lah luput ayahian lanang. Krana balu muani polih luput ayah istri

PAOS 9

1. Wusan makrama Desa majalaran sakadi ring sor :
 - ha Soda utawi lampus
 - na Kenah ka dura desa selang tabaya maduluran antuk dikita saking prajuru desa
 - ca Sampun nyada manut jalarama,
 - ca Kasanang utawi kadat papulna saprining paruman desa riaturan kasanggah budget kasapana ring desa
2. Wusan utawi nguwang kama, pamanyama padgatakala manut pararem.
3. Sang usan makrama tau wening polih pih-puhan duren desa sakaluhnia.

4. Prade sang pecak wusan makrama Desa malih mapinunas pacang mawali makrama, patut katrima manut pamargi sakadi ring sor :
- ha. Yaning wusannia riin saking rahayu, patut naur panawub wewangunan manut pararem;
 - na. Yaning wusannia sangkaning tan rahayu, patut keni panawub wewangunan lan pamidanda ular-alir manut pararem, sasampune nunas pangampura sajroning paruman Desa.

PALET 2
PRAJURU DESA
PAOS 10

1. Desa Adat Bunga Mekar kaenter olih Bendesa Adat kasanggra olih :
- ha. Patajuh pinaka wakil;
 - na. Panyarikan pinaka juru surat;
 - ca. Patengen pinaka juru raksa, muang;
 - ra. Kasinoman pinaka juru arah.
2. Krama Banjar kanter olih Kelihan Banjar.
3. Gaguat sang pacang kaadegang dados prajuru desa sakadi ring sor :
- ha. Mawiwit saking krama Desa Adat Bunga Mekar;
 - na. Maagama Hindu;
 - ca. Jujur tur polos;
 - ra. Maparisolah becik;
 - ka. Uning ngwacen lan nyurat
 - da. Uning ring panglokika lan wicaksana.

4. Nyudi i gadegang Prajuru patut kalaksanayang olih krama sajeroning paruman.
5. Waneng dados prajuru desa kamanggehang 5 warsa, tur dados kasudi malih.
6. Prajuru sane sampun tutug wanengnia 5 warsa, patut nyerahang swadharmaning sajeroning paruman desa, mangda kawentenang sasudian malih.

PAOS 11

1. Swadharmaning Bendesa Adat Luire :
 - ha. Ngenter pamargin desa adat manut daging awig-awig miwah pararem desa;
 - na. Nuntun tur ngenterang krama ngupadi kasukertan krama manut patitis desa ;
 - ca. Maosin wicaran krama utawi warga desa, sha niwakang pamutus lan pamidanda manut kecaping awig-awig muang pararem desa,
 - ra. Pinaka saksi rikala krama ngwentenang yadnyan manut kabuatan utawi pinunas
 - ka. Pinaka dutan desa adat rikala ngwentenang babawos ring sapesira ugi.
2. Sajeroning ngenterang pamargin adat, bendesa adat patut ngwentenang pawirasan ring prajuru, kasarengin antuk para yogya sane wenten ring Desa Adat Bunga Mekar mangda tan singsal pamargi.
3. Swadharmaning prajuru sane siosan, sawawaning gegaduhan manut paos 10, taler patut ngaremba Bendesa Adat sajeroning pawirasan kadi kecaping ajeng.
4. Prade wenten sinalih tunggii prajuru iwang pamargi makadi nglinyokang druen desa mwang sapanunggalanna tur keni kabuktiang kaiwangannia, punapi malih banget tempal ring kecaping awig-awig utawi pararem, patut keni pamidanda artha manut pararem, tur patut kausanang dados prajuru.
5. Prajuru sane kasisipang tan kapatutang ngenter pamargin paruman krama jantos wenten pamutus sane pastika indik kaiwangan muang pamidandannia.

PAOS 12

Olih-olihan prajuru Desa luire kadi ring sor :

1. Polih cacenengan saluiring duman ring desa
2. Polih olih-olihan siosan manut pararem.

PAOS 13

1. Prajuru Desa kagentosin riantukan :

ha. Seda;

na. Sampun tutug panemaya dados prajuru;

ca. Tan prasida ngamargiang sawdharmaning prajuru duaning katiben sungkan rahat utawi pialang abot siosan manut panglokikan paruman desa;

ra. Pinunas ngraga tur sampun kalugra pinunasnia antuk paruman krama;

ka. Kanorayang antuk paruman duaning iwang pamargi.

2. Ngaryanang utawi ngentosin parajuru patut kasungkemin antuk paruman krama.

PALET 3

INDIK KULKUL

PAOS 14

1 Kulkul sane wenten ring Desa Adat Bunga Mekar luire :

ha. Kulkul Desa Adat

na. Kulkul Banjar

ca. Kulkul Pura

ra. Kulkul Sekaa-Sekaa.

2. Suaraning kukul kasinunggeh pinaka suaraning desa utawi sekua, satiraka
 utu utu: -dibawahan saking prajuru manutaka ring kramunian sami.
3. Tabuh tetepakan kukul bucup patut pastika manut tetujan tur manut ring
 pasabhuyan kramunian.
4. Pamargi sane apatut macabha antak suaran kukul luire :
 - ka Pacang sangkep utawi paron.
 - na Tedun makarya utawi ngayah
 - ca Pacang agrastabha utawi mapitahung rikala wenten warga seda,
 marangkai utawi yadaya siosan manut kabuatun.
 - ca Wenten kapancabhaya.
5. Tabuh tetepakan kukul saha cihna ipun sane kamunggehang ring Desa Adat
 Bunga Mekar sakadi ring sor :

ka Kalih tuludan sedeng	:	cihna tedun ngayah utawi makarya, sangkep utawi paron lan ngawitin brata panyepitan
na Tigang kiontungan sedeng		cihna wenten warga nerorod, rikala wengi
ca Limang kiontungan sedeng		cihna wenten warga seda
ca Bulu sada panjang		cihna wenten kapancabhaya
ka Negteg utawi nyangah		cihna wenten pamargin upacara.

PAOS 15

1. Sabananing kukul Desa Adat bunga Mekar patut katepak olih prajuru
 utawi any kapuduh olih prajurane manut tetujan.
2. Kapante ngi nyunaryang kukul lan sangkaning pituhuh saking prajurane
 sajawaning rikala wenten kapancabhaya, wening kam pamidanda manut
 paron.

3. Sang nyaurayang kulkul cahna kapancabhayari patut manggeh ring ngenah kulkul inucap saha matur supeksa ring prajuru mungguing tetujon panepalanna.

PALET 4

INDIK SANGKEPAN LAN PARUMAN

PAOS 16

1. Sangkepan desa kawentenang nyabran ngasasih nemonin rahina Redite Kliwon, tan paarah-arrah.
2. Sangkepan ring pura-pura desa, sekaa-sekaa kawentenang manut drestannia suang-suang
3. Paruman desa kamargiang padgatakala manut kabuatan tur kamanggala antuk arah-arrah
4. Paruman prajuru kawentenang sanistannia nyabran asasih apisan.

PAOS 17

1. Sane patut kabaosang sajeroning sangkepan desa adat luire :
 - lia. Munjuk lungsuring krama muang ayah-ayahan desa,
 - na. Salur sulut artha brana draca desa,
 - ca. Pamargin sahananing pamutus paruman sadurungnia,
 - ra. Sahanan pamutus wicara sane katiwakang.
2. Parindikan kadi kecap ring ajeug patut katampenin, katimbangin saha katiwakan pamutus antuk sangkepan inucap.
3. Sangkepan sekaa-sekaa sane pacang ngasih pamutus, patut matur supeksa ring prajuru desa mangda tan lempas ring patitis desa adat.

PAOS 18

1. Tata trepti sangkepan utawi paruman sakadi ring sor :
 - ha. Macihna antuk suaran kulkul manut paos 15;
 - na. Sahananing krama sane pacang nyarengin patut mabusana adat Bali jangkep;
 - ca. Tan kalugra makta sluring gegawan;
 - ra. Tan kalurga ngwetuang suara ghora utawi biota ring sangkepan, utawi paruman.

2. Dudonan pamargin paruman sakadi ring sor :
 - ha. Kamanggala antuk arah-arah muang suaran kulkul;
 - na. Prasida kamargiang risampune katedunin antuk satenga langkung saking pigungan krama sami;
 - ca. Kakawitan antuk pangarcana Ida Bhagawan Panyarikan masadana antuk cane, kalanturang antuk macak krama;
 - ra. Nguncarang pangastungkara panganjali saking Bendesa Adat tur kasaurin antuk krama sami;

3. Pamutus bebawosan mangda kautsahayang majalaran antuk paras paros, gilik-saguluk. Prade tan prasida, pawilangan suara sane kasinaggeh pamutus.

4. Prade sajeroning paruman pайдikan sane kabaosin tan prasida molihang pamutus, prajuru patut nanggehang pайдikan punika tur kabaosang malih ring paruman sane pacang rauh.

5. Paruma prajuru matetujon :
 - ha. Ngrincikang sahananing pangrencana sane pacang kamargiang.
 - na. Maosin wicaran krama sane kasadokang ring prajuru sadurung niwakang panepas majeng ring sang mawicara.

6. Pamutus paruman prajuru durung kangkat kamargiang saduring kasungkemin olih paruman krama, punapi malih sane marupa tetegenan krama.

PALET 5

INDIK DRUEN DESA

PAOS 19

1. Sane kamanggehang pinaka druwen Desa Adat Bunga Mekar luire :
 - ha. Kahyangan Desa makadi Pura Puseh, Dalem lan Pura Desa, rauhing piranti-piranti sane wenten ring pura inicap.
 - na. Tegal pura Kahyangan Desa, tegak Bale Desa miwah tlajakannia,
 - ca. Tanah setra lan margi agung saue wenten ring wewidangan Desa Adat Bunga Mekar.
 - ra. Lelanguan ilen-ilen gong lan sakaluirnia.
 - ka. Druen Desa siosan sane kapikolihang salanturinia.
2. Sahananing druwen desa patut mangda kaungguhang ring ilikita sane pastika, tur kasiarang nyabran sangkepan krama
3. Sahananing krama patut sareng nulingayang sakancan druwen desa kadi mungguh ring ilikita
4. Tanah PKD pangoregnia kasuksrayang ring Banjar Adat suang-suang.

PAOS 20

1. Yan wenten sinalih tunggil krama utawi warga desa mamandung druwen desa, patut katiwakin pamidanda manut pararem tur ngwaliang sakancan barang sane kapandung.

2. Prade barang sane kapandung punika sinanggeh barang sane suci, patut pamidandanni kawewehin antuk pamrayascita manut kabuatan sane kaputusan antuk pararem.
3. Prade wenten druen desa utawi pura ical tur tan wenten krama sane ngangken ngambil, wenang kramane sami katiwakin padewasaksian.
4. Prade rikala ngemargiang padewasaksian wenten krama tan prasida rauh, patut matur piuning ring prajuru. Prajuru patut niwakang panglokika ring awinan sane kapiuningang.

PALET 6
SUKERTA PAMITEGEP
KAPING 1
KARANG LAN TEGAL
PAOS 21

1. Sahananing karang desa muang tanah tegak paumahan, patut mangda wenten ipun sane pastika sanistan ipun antuk pepagehan.
2. Karang utawi tanah paumahan sane masanding, mungguing wates ipun kapidabdabin sakadi ring sor :
 - ha. Wates sisi kaler, sisi kangin miwah sane nepi ring rurung utawi margi kakaryanin tur kapiara antuk sang ngamong karang inucap.
 - na. Wates sisi kelod utawi sisi kauh sajawaning sane nepi ring rurung utawi margi kakaryanin olih sang ngenahin karang penyanding sane delodan utawi dauhan.
 - ca. Prade sangkaning pada lila, kangkat kawentenang pamargi sios ring kecap ring ajeng.

3. Prade wenten tegak karang paumahan sane kabebeng patut mangda kautsahayang wenten pamedalnia karurung utawi margine sanistania apamaga sawetara adepa malarapan antuk paras-paros sareng panyandingnia, utawi nunas tetimbang ring prajuru.

PAOS 22

1. Sapa sira ugi tan kapatutang malaksana sakadi ring sor :
 - ha. Nglahlah tegal wiadin karang druen anak siosan, sajawaning wenten panguwaksaking sang nrebenang.
 - na. Pamidanda panguak suara manut pararem.
 - ca. Nglahlah margi, rurung, tegak banjar, tegak setra muang sakancan tegak sane kasinanggeh suci siosan.
2. Sang mamurug kecap ring ajeng, prade wenten ngawicarayang patut katiwakin pamidanda luire.
 - ha. Ngwaliang tanah sane kalahlah manut wates nyane riin.
 - na. Upacara payangaskara prade genah sane kalahlah punika marupa genah sane kasinanggeh suci.

PAOS 23

1. Sahanan Warga Desa Adat Bunga Mekar, patut sayaga miara kebersihan pakarangan muang tlajakannia, rauh ring margi utawi rurung manut tetiwak saking prajuru.
2. Sajeroning usaha ngrajegang kabersihan wewengkon Desa Adta Bunga Mekar, suang-suang pakarangan kaaptiang mangda :
 - ha. Wenten blumbang genah, mis utawi luhu;
 - na. Maduwe WC utawi kakus;

- ca. Yan makarya kandang bawi sajeroning pakarangan, mangda ugi kajangkepin antuk waduk utawi blumbang genah kotoran ipun;
- ra. Tan makarya genah ngutang kotoran ring tepining margi utawi rurung.
3. Sang mamurug kecap ring ajeng, patut katiwakin pamidanda manut pararem.
4. Krama wiadin warga desa sane madrebe tegal, kaaptiang mangda mastikayang padrebeania antuk ilikita marupa sertipikat saking guru wisesa.

KAPING 2
KAKAYONAN
PAOS 24

1. Sapa sira ugi ngawit pacang nandur kakayonan tanem tuwuh sane pacang dados mageng sajeroning pakarangan, patut paembangnia sakeng wates karang tan kirang ring adepe agung.
2. Tanem tuuh sane ngrebrehin utawi kasumangsayain pacang nyengkalen ka pisaga wenang kawara madasar antuk paigum sane becik, mangda kakayonan punika gelis karebah utawi katebtebin.
3. Yan risampune kawara kadi ucaping ajeng nrebenang tan satinut utawi nentan nagingin pinunas sang ngawara, sang karebreban rumasa pacang kabhayanin kengin nyadokang ring prajuru banjar.
4. Prajuru banjar wenang marityaksayang saha maweh panyepat pamutus arep ring sang madrebe kakayonan, mangda kakayonan sane kawara digelis karebah utawi katebtebin.

KAPING 3
INDIK WEWANGUNAN
PAOS 25

1. Sapa sira ugi pacang makarya wewangunan, tan kapatutang nyapcap ka pisaga.
2. Wewangunan sane sampun wenten, sane kantun nyapcap ka pisaga, mangda kautsahayang ngaryanang abangan sapatutnia.
3. Sapa sira ugi tan tinut ring kecaping ajeng, risampune, wenten pasadok ring prajuru wenang kaicen tetepasan kadasarin antuk paras paros. Prade tetiwak saking prajuru taler tan katinutin kangkat wicara kaaturang ring sang rumaos tur sang mamurug awig-awig kakeninin pamidanda manut pararem.

PAOS 26

1. Wewangunan banjar patut mangda kawangun ring tanah banjar kaprabeyanin olih krama banjar inucap.
2. Wewangunan desa patut kawangun ring tanah druen desa saha kaprabeyanin olih krama Desa.

KAPING 4
INDIK WEWALUNGAN
PAOS 27

1. Krama wiadin warga desa sane miara wewalungan patut sayaga nitenin wewalungan makadi negul utawi nglogor, mangda tan jantos ngrusak karang, pabianan, punapi malih jantos ngletehin kahyangan.

2. Prade wenten wewalungan ngeleb jantos ngrusak pabianan utawi pakarangan, risampune nahen kaplunguhang taler tan katitenin, kengin kataban tur kasadokang ring prajuru, prajuru wenang niwakang pamidanda manut pararem bilih-bilih jantos naur prabea sahananing sane karusak.
3. Prade wewalungan inucap jantos ngletehin genah suci, sejawaning pamidanda muang karugian kadi munggah ring ayat (2) wenang taler kawewehin antuk pamidanda pangupakara kahyangan inucap manut kabuatan.

PAOS 28

1. Tan kadadosang ngamongang utawi negulang wewalungan ring margi, rurung, setra pekarangan banjar utawi desa tlajakannia.
2. Suang-suang kulawarga tan kadadosang miara asu ring pakarangan lintangan ring asiki, saha asu punika patut kadagingin cihna marupa kalung.

PAOS 29

1. Tan kalurga nglumbar ayam ritatkala warga desa ngawit matetanduran utawi matajuk mawaneng 15 (limolas) rahina.
2. Sang madrebe tegal pabianan patut masadok ring sang madrebe ayam malumbar ritatkala jagi ngawitin matanduran.
3. Prade risampun masadok, taler kantun wenten ayam malumbar, wenang sang madrebe pabianan, ngejuk ayam inucap tur nyadokang ring prajuru desa utawi banjar. Prajuru patut niwakang panepas utawi pamidanda manut pararem.

KAPING 5
INDIK BYAYA LAN DUSTA
PAOS 30

1. Sahaning laksana tan rahayu sane ngawinang pikobet, duhkita, duskerta ring jadma siosan kasinanggeh bhaya.
2. Bacakan sane kabaos bhaya luire :
 - ha. Jiwa bhaya : kaamuk, kabaak, lan kaparikosa.
 - na. Artha bhaya : kamalingan, kabegalan,
 - ca. Geni bhaya : katunuan utawi puun,
 - ra. Toya bhaya : anyud katiben arus,
 - ka. Bhayu bhaya : katiben linus.

PAOS 31

1. Warga desa sane katiben bhaya patut digelis matur supeksa ring prajuru utawi sang wenang maosin.
2. Sang katiben bhaya utawi sang manggihin kawentenan bhaya kapatutang nyuarayang kulkul manut wigunania saha digelis matur supeksa ring prajuru mangda sang katiben bhaya gelis katulungan.
3. Sahanan warga banjar utawi desa patut sayaga maweh pitulung saha makta piranti manut kawentenan bhaya inucap.

PAOS 32

1. Sang kamalingan prade pacang ngamargiang saserep utawi ngledah, patut nunas panguak muang pasaksi ring prajuru.
2. Maseserep sios bebanjaran utawi desa patut polih panguak saking prajuru sane ngwidangin genahe masaserep.
3. Prajuru patut ngenter sang maseserep mangda tan jantos ngwetuang biota.

PAOS 33

1. Sahanan jadma malaksana dusta ngawinang bhaya, taler kangkat katur ring guru wiswsa manut bobot kaiwangania.
2. Prade dusta ngawinang kaletahan genah sane kasinanggeh suci, wenang pamidandania kawewehin antuk pamrayascita manut kabuatan.
3. Sang malaksana dura cara ring agama, prade kacihna manut tri premana, patut katiwakin pamidanda manut pararem.
4. Yan wenten warga desa malaksana duskerti makadi astha, pada capala, wak capala ring warga siosan yaning kawicarayang tur prasida kabuktiang, sang malaksana patut keni pamidanda manut pararem.
5. Prade laksana inucap nibenin warga sane kapasinggihang manut agama, patut pamidandania kawewehin pamrayascita marep ring sang katiben manut kabuatan.
6. Prade ring sangkepan utawi ring pura wenten jadma nguman-uman wiadin kroda, patut katiwakin pamidanda saha pamrayascita manut pararem.
7. Prade wenten dusta saking dura desa, patut kaejuk tur katur ring guru wisesa.

KAPING 6
PANGUNYAN BANJAR
PAOS 34

1. Rikala wenten banjar ngwangun karya utawi yadnya suka utawi duka, patut polih panyanggra utawi pangrombo saking krama banjar ring suang-suang bebanjaran manut pinunas sang mayadnya.
2. Panyambrama utawi pisusuh ring krama banjar rikala mapitulung kamargiang manut dresta.
3. Sajawaning pamargi payanggra utawi pangunyan manut dresta, krama sane madrebe lelanguan patut ngaturang tetangguran santukan rumasa pinaka tangan sukuning banjar.

CATURTAS SARGAH
SUKERTA TATA AGAMA
PALET 1
INDIK DEWA YADNYA
PAOS 35

1. Pura-pura sane wenten ring Desa Adat Bunga Mekar luire :
 - ha. Pura Kahyangan Tiga, makadi Puseh, Dalem, Bale Agung utawi Pura Desa;
 - na. Pura-pura mrajan utawi pajenengan.
2. Pura Kahyangan Tiga kasungung olih Desa Adat Bunga Mekar, pura mrajan utawi pajenengan kasungung olih pangemponia suang-suang.
3. Piodalan ring pura-pura inucap kalaksanayang nyabran 6 sasih apisan manut dresta suang-suang.

PAOS 36

1. Ring suang-suang pura patut kaadegang pamangku sane yogya ngenterang, nuntun utawi ngastawayang sahanan yadnya ring pura inucap.
2. Sane patut kasudi dados pamangku luire :
 - ha. Krama Desa Adat marep utawi sane sampun nyada;
 - na. Tan cedengga;
 - ca. Maparipolah sane rahayu.
3. Tatacara ngadegang pamangku :
 - ha. Madasar katurunan saking pamangku sane riinan ;
 - na. Malarapan antuk nyanjan utawi kacatri;
 - ca. Saking sasudian.
4. Dudonan pacang dados pamangku luire :
 - ha. Kararemin pacang dados pamangku;
 - na. Nunas waranugraha ring pura malarapan pawintenan;
 - ca. Nyuciang raga utawi mawinten kapuput olih Ida Sang Sulinggih.
5. Sane tan wenang dados pamangku luire :
 - ha. Jadma cedangga;
 - na. Jadma sane maparipolah tan rahayu;
 - ca. Sang tan kararemin antuk krama.
6. Sang kasudi dados pamangku riwus puput pawintenannian patut ngamargiang dharma kapamangkuan, tur patut kasinggihang olih warga desa manut wipunannia.

PAOS 37

Swadharmaning Pamangku luire ;

1. Asewaka Dharma, astiti bhakti ring Ida Bhatara sesuunan, utamania ring Ida Sang Hyang Widhi Wasa.
2. Ngenterang, ngastawayang sahananing upakara rikala patirtan utawi yadnya siosan ring pura.
3. Ngwekasang rikala wenten krama ngaturang punia, punagi mapanauran utawi nunas karahajengan ring Pura.
4. Nglaksanayang pamargi sane mabuat suci ring pura, pamekas rikala nedunang utawi ngelinggihang pralinggan Ida Bhatara.
5. Nuntun krama lan warga desa mangda setata bhakti ring Ida Sang Hyang Widhi tur malaksana susila manut agama.
6. Nyiratang tirta majeng ring krama utawi warga sane kasinanggeh patut.

PAOS 38

1. Sahananing aturan utawi sesangi marupa artha, laluwesane, mule-mule muah sakaluirnva patut kadrue antuk pura inucap
2. Sang pacang maturan, mapanauran sakadi inucap ring ajeng patut masadok ring prajuru mangda kaungguhang ring ilikita sesampune keastawayang olih Pamangku
3. Sakancan aturan ring ajeng wenang kanggen ring pura manut tetujon.
4. Sahanan sarin canang ring Kahyangan Tiga patut kepah tiga suang-suang bagi katiba ring pura inucap. Pamangku muang Desa Adat.

PAOS 39

1. Pamangku kangentosin malarapan antuk :
 - ha. Seda
 - na. Sangkaning pinunas jero mangku santukan lingsir, utawi sungkan rahat
 - ca. Kanorayang olih krama riantukan malaksana dusta
2. Prade jero mangku kawusanang sangkaning malaksana dusta patut pamangku inucap ngwaliang sahananing piranti kapamangkuan sane karaksa
3. Prade jero mangku malih ngalap rabi sangkaning rahayu, patut pamangku inucap malih nyepuh raga tur katodya olih prajuru sahananing prabeannia kamedalang olih pamangku inucap
4. Yening Jero mangku Desa utawi pecak pamangku Desa sane tan kanorayang seda, patut olih wantuan saking krama desa manut pararem.

PAOS 40

1. Kahyangan kasinanggeh kadurmanggalan prade :
 - ha. Katiben panca bhaya.
 - na. Kapanduangan
 - ca. Karubuhan taru
 - ra. Sander kilap.
 - ku. Kahanan lulet sakaluirnia.
 - da. Kahanan wangken jadma utawi wangken sato ageng,
 - ta. Dados genah jadma masanggama.

2. Kasukertan Kahyangan kadi ring sor :

ha. Sahanun krama lan warga Desa patut nureksa, nyaga, mangda kasukertan Kahyangan tan kaletchan.

na. Sane tan kalurga ngrajing ka pura luire :

1. Sang kantun sebel ring raga manut jalarannia,
2. Sang kantun cuntaka sangkaning madrebe kulawarga seda, manut senger
3. Jadma sane sinanggeh patita makadi : panak bebinjat, beling tan wenten ngangkenin, tan kasinangaksara, jadma buduh, sakit ila, muang sakancan cendala siosan sadurung polih pamrayascita manut sastra agam.
4. Sato ageng sajawaning rikala mapepada.
5. Sang mabhusana tan manut ring tata susila ngranjing ka pura.
6. Sang makta saluiring barang sane kabaos letch manut agama.
7. Sahanan sane kabaos ngeletchin manut pararem.

ca. Pratingkah sane tan kawenangang ring pura luire :

1. Masumpah utawi nahap cor, sajawaning saking pituduh prajuru.
2. Maulah ala, maujar ala, wak parusia.
3. Marebat, mayuda, punapi, malih jantos wenten ngamedalang rah.
4. Mecikang wastra, nyangsang bhusana, mecikang pusungan lan sapanunggilania.
5. Mawarih makoratan macecepin anak alit.
6. Sirep masarengan lanang kalawan istri.

3. Yan mabukti wenten jadma malaksana ngaletchin sakadi kecap ring ajeng patut keni pamidanda manut pararem. Prade laksanania kabaos banget ngletehin makadi : mayuda jantos metu rah, masanggama, makta barang letch, kahyangan inucap patut kaprayascita sapatutnia. Sang malaksana keni panidanda lan prabea pamrayascita manut pararem.

4. Yaning wenten kahyangan desa keni kadurmanggalan, pamangku utawi sang manggihin patut digelis nyadokang ring prajuru mangda marumang krama pacang ngwentenang pangupakara sapatutnia.
5. Yèn wenten jadmā buduh jantos ngerusak pura, inggihan punika palinggih utawi sane siosan, kapatutannia patut mecikang sahanan sane karusak tur keni pamrayascita manut pararem.

PALET 2
INDIK RESI YADNYA
PAOS 41

Indik Resi Yadnya ring Desa Adat Bunga Mekar kamargiang manut kerta pamargin sastra Agama.

PALET 3
INDIK PITRA YADNYA
PAOS 42

1. Sahanan upacara pamreteka sawa kabaos pitra Yadnya, kaaptiang mangda nganutin lingging sastra agama.
2. Rikala wenten krama utawi warga desa seda, pemargine sane kangkat kaambil sakadi ring sor :
 - ha. Kapendem manut dresta,
 - na. Makingsan ring pertiwi ring geni
 - ca. Raris kaplebonang manut padewasaan sane kapatutang.

3. Tingkah mendem sawa pamargine kadi ring sor :

ha Yang sang lampus wus apupak utawi sampun ketus untunna, patut nganutin padewasan pangutangan sawa, nanging yan rare durung apupak yogya pendem pramangkin tan malih nyantos dewasa.

na. Genah mendem ugi mangda ring setra, yen rare ring setra bajangan.

PAOS 43

1. Padewasaan mendem utawi atiwa-atiwa kapidabdabin olih prajuru manut Desa, Kala, Patra.
2. Tan kalurga mendem utawi ngeseng sarwa rikala rahina: pasah, purnama, tilem, kala gotongan, semut sadulur.
3. Prade wenten warga desa lampus ritakala wali ring sinalih tunggil paibon utawi mrajan sane wenten ring wewengkon Desa Adat Bunga Mekar. pamargine mendem sawa patut kalaksanayang sasampun pujawaline ring pura inucap puput kamargiang, yadiyastun durung panyineban.
4. Prade wenten sinalih tunggil warda desa lampus ritakala wenten karya wiadin piodalan ring sinalih tunggil Kahyangan Desa sane wenten ring wewidangan Desa Adat Bunga Mekar, kangkat ngambil pamargi makingsan ring pertiwi pramangkin, nanging pamargine sasiliban tur tan nganggen gegumuk. Pamretekan sang lampus wenang kalaksanayang sasampune pula pali karyane puput manut paetangan padewasan.
5. Prade wenten sinalih tunggil warga desa lampus rikala wenten yadnya ring Kahyangan Jagat sane wenten ring dura desa (liwar ring Kecamatan Nusa Penida), pamargine mendem kalaksanayang nganutin piteket saking PHDI utawi Guru Wisesa.

PAOS 44

1. Prade wenten krama utawi warga desa lampus sangkaning salah pati, ulah pati miwah sapanunggilania;- ring luaring karang paumahannia kengin kabakta budal, nanging patut luaring kasanggra antuk banten pangulapan mwang panebusan. Pratekannya wantah apabersihan, salantur ipun patut kakingsanang pramangkin, sasampune matuuh asasih pitung rahina, kangkat kaprateka, kadi patuting banten pamendeman.
2. Yan wenten jadma istri padem rikala kantung ngadut manik utawi bobotan, tan wenang kapendem sadurung bobotania embas, utawi kaembasang.
3. Yan wenten jadma padem tan kailingan ring wewengkon Desa Adat Bunga Mekar sasampune kapituduh antuk guru wisesa wenang sawa punika kapendem ring setra, kalaksanayang antuk banjar sane ng widangin. Upacara pamrayascita kaletihan desane kamargiang antuk Desa.
4. Yan wenten jadma padem ring tegalan, patut sang madrebe waris ngalaksanayang pamrayascita pacaruan sanistania amanca warna utawi manca sata, kalaksanayang ring genah inucap mawaneng sadurung asasih pitung rahina.

PAOS 45

1. Swadharmaning krama lan prajuru rikala wenten kalayu sekaran :
 - ha. Krama sane kaduhkitan :
 1. Patut digelis masadok ring kelihan banjar, saha nunas tetimbang manguing kawentenania.
 2. Nunas pangromba ring krama banjar, manut kabuatan.
 3. Ngaturang panyambrama pisuguh sakasidan majeng ring krama sane rauh ngrombo karya manut dresta.

na. Prajuru banjar sasampune polih paandok, patut :

1. Maritatas tetujon pamargin sang kaduhkitan.
2. Nyuarayang kulkul manut tetujon, raris ngenter pemargi krama sajeroning ngremba karya wiadin pamargin patus manut dresta.

ca. Krama Banjar patut :

1. Ngrombo sang kaduhkitan sapatutnia manut dresta.
 2. Maweh patus saha ayah-ayah manut pidabdab sane sampun kararemin.
2. Rikala Nyandang utawi nanggung sawa, wadah muang upakara sane siosan pamarginnia ka setra patut mangda dabdab, tan kadadosang magarap-garapan jantos ngawinang pikobet sang madruc karya.
 3. Rikala nyanggra upacara krama sane seda pacang kapendem, krama banjar wiadin desa patut mangda nganggen bhusana adat madya, yan rikalaning atawa-tiwa ngaben patut nganggen bhusana adat jangkep tur tar kapatut tang mabungah-bungahan, nanging sang nanggung wadah mwang patulangan kadadosan nganggeh bhusana adat madya.
 4. Bawa saking sios desa sane keabenang wiadin katempungan ring desa Adat Bunga Mekar tan polih panyanggran banjar.

PAOS 46

1. Sang kasinanggeh kahanan cuntaka luire :

ha. Sang kalayusekaran utawi kapademan.

na. Sang nyambutang karya Pitra Yadnya, ngawit nanceb taring.

2. Senker sebel wiadin cuntaka manut jalarannia sakadi ring sor :

ha. Ngraja sewala jantos wusan ngamedalang rah tur mersihin raga;

na. Ngembasang oka, sane istri 42 rahina, sane lanang 11 rahina.

- ca. Karuron, kulawargannia sapakarangan jantos 42 rahina, nanging kulawargannia sios miwah bebanjaran wantah 3 rahina.
 - ra. Sangkaning kalayusekaran, sios pakarangan miwah bebanjaran 3 rahina;
 - ka. Yaning sane seda anak alit durung kepus pungsed, cuntakan bebanjaran wantah 3, rahina, nanging kulawargannia sapakarangan manggeh cuntaka jantos 42 rahina.
3. Prade wenten krama wiadin warga desa padem rikala sampun nyambutang karya utawi yadnya ring Kahyangan Tiga, sane wenang nyuntakayang wantah sang ngarepin sareng pangapitnia. kemaon.
 4. Sane kemanggehang tan keneng cuntaka luire :
 - ha. Ida Sang Sulinggih
 - na. Pamangku Kahyangan Desa aanut sesana kapamangkuan.

PAOS 47

1. Sawa sane patut kaabenang wantah sawan sang sampun apupak utawi sampun maketus untu yaning durung apupak kawenangan wantah nglungah.
2. Krama sane pacang ngamargiang atiwa-tiwa kapatutang mangda nuduk patus manut kebanjarania.

PAOS 48

1. Ayah-ayahan utawi pakaryan patus rikala wenten atiwa-tiwa luire :
 - ha. Ngresikin utawi ngabas margi rauh ka satra
 - na. Makarya rerompok
 - ca. Makarya tatakan api utawi prapen,
 - ra. Makarya pasanggrahan utawi bale pawedaan.

- ka. Ngaryanin wadah muang eteh-cteh siosan.
- da Ngrombo karya jantos puput ngayah.
- ta Karya siosan manut paigum lan pangenter prajuru.

PAOS 49

1. Yan wnten jadm saking sios desa ngabeneng sawa utawi matempung ngaben ring sinalih tunggil desa krama Desa Adat Bunga Mekar, krama sane pacang katempungin patut masadok sadurungnia ring prajuru, tur sang madue sawa inucap patut naur kenan-kenan luire :
 - ha. Panukun setra
 - na. Pananjung batu
 - ca. Pangungkab lawang, akehnia manut pararem.
2. Sahananing aturan ring pura sane mawiwit saking pangungkab lawang, panukun setra, pananjung batu, pancabas atma, manggeh dados lruen desa tur ... kanyanggahang ring lilir.
3. Pamangku ring Pura, Dalem patut polih pah-pahan aturan inucap manut pararem.

PALET 4

INDIK MANUSA YADNYA

PAOS 50

1. Manusa Yadnya inggih punika upacara dharmaning manusa saking patemoning kama bang kalawan kama petak sajeroning garbhawasaning ibu jantos lampus.
2. Upacara Manusa Yadnya luire :
 - ha. Rare wau embas,
 - na. Kepus udel utawi puser.

- ca. Tutug akambuhan mwang mapag rare rikale rarene mayusa 42 rahina
 - ra. Tigang sasih.
 - ka. Rare mayusa awoton, nyambutin lan napak siti (ngenteg tanah) raris mapetik rambut,
 - na. Mungguh truna utawi truni,
 - ca. Mapandes utawi metatah,
 - ra. Mawiwaha,
 - ka. Mawinten utawi madwijati.
3. Upacara inucap kamargiang manut kecap sastra agama mwang dresta. simacara sane kamanggehang ring suang-suang banjar.

PALET 5

INDIK BHUTA YADNYA

PAOS 51

1. Bhuta yadnya inggih punika sahanan upacara ring pertiwi, kahyangan, mwang ring sarwa bhutakala.
2. Upacara-upacara pabeakalan ring sarwa prani luire:
 - ha. Ring sarwa tumuuh, nemonin Tumpek Wariga,
 - na. Ring sarwa prani utawi ingon-ingon, nemonin ranina Tumpek Uye.
3. Upacara pabeakalan ring pertiwi, kahyangan lan sarwa bhuta kala kabaos caru, luiripun:
 - ha. Yadnya sesa utawi ngejot satunggil wus maratengan,
 - na. Segchan,
 - ca. Caru Eka Sata,
 - ra. Caru Manca Sata,
 - ka. Caru Manca Sanak,

- da. Caru Manca Kelud,
 - ta. Resi Gana,
 - sa. Balik Sumpah, Tawur Agung lan salanturipun.
3. Upacara pabeakalan ring pertiwi, kahyangan lan sarwa bhuta kala kabaos cari, luihipun:
 4. Sajaba Upacara Bhuta Yadnya kadi kecap ring ajeng, taler kamargiang upacara pabeakalan ring manusa manut wiguna.

PAOS 52

1. Rikala Tileming sasih Kasanga, ring wewidangan Desa Adat Bunga Mekar taler kamargiang Bhuta Yadnya pacaruan kadi ring sor:
 - ha. Ring pempatan desa Caru Manca Sata,
 - na. Ring pura-pura Desa manut dresta kamargiang Caru Eka Sata,
 - ca. Ring suang-suang paumahan utawi pakarangan upakarania segehan manca warna 9 tanding, olahan daging ayam brumbun sane katunas ring suang-suang banbjar, segeh agung atanding maulam jejeron bawi mentah lan patabuh.
2. Sorenia kamargiang Pangrupukan pabuu-buu, kapidabdabin olih prajuru, ngawit sane kawon tan kengin lintang ring tengah wengi.
3. Benjangnia kamargiang Catur Brata Panyepiang luire:
 - ha. Amati geni, tan dados nguripang geni,
 - na. Amati karya, tan dados mambilan pakaryan,
 - ca. Amati lelungan, tan dados malelungaan,
 - ra. Amati lelanguan, tan dados maramen-ramen maliang-liang.
4. Pamargin Catur Bratane katuntun oli; prajuru manut desa kala patra, tur ngawit brata inucap kacihnayang antuk suaran kulkul.

5. Sang mamurug Brata Panyepitan, wenang keni pamidanda manut pararem, sajawaning sang polih palugrahan manut wiguna, upami kapialang, maduc anak alit, matepetin sungkan muah sane siosan manut panglokikan prajuru.
6. Tatiwak pamidanda majeng ring sang mamurug kamargiang olih prajuru desa manut pasadok saking pnalang sane kasudi oleih desa.
7. Ngembak Geni, maplleges panglukaran brata semadi, kalih nyanggra pangrauh Isaka Warsa sane anyar, rikala punika suang-suang krama patut ngamargiang dharma santi.

PANCAMAS SARGAH
SUKERTA TATA PAWONGAN

PALET 1

INDIK PAWONGAN

1. Pawiwahan inggih punika pananggalan purusa lan pradana malarapan antuk suka cita kadulurin antuk upasaksi sekala niskala.
2. Pidabdab pawiwahan sane kapatutang ring Desa Adat Bunga Mekar luire:
 - ha. Pepadikan,
 - na. Ngrorod / ngrengkat,
 - ca. Nyeburin.
3. Dudonan pepadikan kamargiang ping tiga luire:
 - ha. Panewakan,
 - na. Pangambilan, kasaksinin antuk prajuru saking sang wadon tur kacihnayang antuk suara kulkul,
 - ca. Pangunyan, maduluran pejati katur ka sanggah utawi mrajan wadone.

4. Pamargin ngrorod madudonan sakadi ring sor:
 - ha. Kulawargan lanange, patut ngwentenang pasedek, utawi pamalaku antuk duta sanistane kalih diri tur tan kasepan ring awengi, tur makta suar.
 - na. Ingwentenang pangraos sasampune masengker tigang rahina saha maduluran sedah, jambe, gambir seseban, lanjaran, apuh lan tubungan tur madaging sekar matatakan dulang, sane kamargiang antuk duta wargan lanang sanistania kalih diri.
 - ca. Ngwenteng pasewakan malarapan antuk katipat banta: lan sanganan klandan miwah sakancanipun kasarengin olih kula warga lanang istri,
 - ra. Pidaging pasewakan sakadi ring sor:
 1. Kamanggala antuk pangampura arep ring reraman wadone,
 2. Ngigumang baos indik pamargin padewasan pawidi wi:lanannyane.
 - ka. Yening kulawargan sang marangkat sampun sami arus ledang, patut rangkat punika polih tengeran suaran kulkul ring banjaran sang lanang wiadin sang wadon,
 - da. Prade palaku utawi pasadokan tan katrima ringw argan sang istri, tur nenten kaicen suara kulkul utawi pasadokan tan katrima ring wargan sang istri, tur nenten kaicen suara kulkul kula warga lanange patut nyadokang ring prajuru saha prajuru raris maosin wicara inu:ap.
5. Nyeburin : kulawargan wadone ngamargiang dudonan pamargi sakadi dudonan pepadikan majeng ring kulawargan sang lanang, tur upacara pawidi widanan kalaksanayang ring umah sang wadon, kadulurin upacara pamerasan.
6. Yan wenten jadma saking dura desa ngrorod tur mengkeb ring wewidangan Desa Adat Bunga Mekar, krama sane nampi patut digelis masadok ring prajuru. Prajuru pramangkin maritetes kawentenan sang ngrorod. Prade pamargine sampun manut, wenang polih pasayuban, nanging yan tan manut, tan polih pasayuban.

PAOS 54

Gagwat sang pacang mawiwaha sakadi ring sor:

1. Sampun munggah deha truna.
2. Sangkaning pada rena.
3. Yan ngambil sios agama patut kamanggala antuk banten panyambutan (sudi wedani).
4. Mangda nganutin pidaging Undang-Undang Perkawinan.

PAOS 55

1. Perkawinan sane kabaos puput ring Desa Adat Bunga Mekar, risampune:
 - ha. Ngamargiang pabeakalan kasaksiang sekala niskala tur kapuputang antuk pandita utawi pinandita,
 - na. Wenten pasaksi saking prajuru banjar lan desa,
 - ca. Sampun matengeran suaran kulkul,
 - ra. Sampun kailikita yang.
2. Pawiwahan sane tan manut sakadi ring hajeng nenten kabaos puput.

PAOS 56

Yan wenten sinalih tunggil krama desa adat sane kaicalan oka istri, patut ngamargiang paseserep, tur kapidabdabin sakadi ring sor:

1. Sang pacang maseserep patut masadok riin, tur nunas panuntun ring prajuru desa.
2. Sang pacang maseserep patut nginutin sapituduh prajuru rikala:
 - ha. Pacang ngranjing kaumah krama siosan tan dados langkungan ring kalih diri,

- na. Tan kengin makta sahananing gegawan,
- ca. Tan kengin maparilaksana lan mabaos sanc tan patut.
3. Prajuru patut midabdabin tur ngenter pamargin sang maseserep. Mangda panetese trepti, saha anak istri inucap polih nguningayang pariindikanipun, pidabdab pamaritatas kamanggehang sakadi ring sro :
- ha. Anake istri tinas ring inange magenah sawatara tigang depa, tan kalugra anak tios nganampekin. Tetujone anake istrine mangda tan kemad ngaturang indike ring sang maritetes,
- na. Prajuru desa mratyaksayang pangangken sang istri rikala pacang nibakang pamutus. Yan pada arsa sang ngrorod saserepe patut matulak. Yan sangkaning kapaksa wenang sang pacang mrangkat kapalasang, tur sang lanang kakeninen pamidanda manut pararem.
4. Yan masaserep ka Desa Adat siosan patut polih uak-uakan saking prajuru genahe maseserep.

PAOS 57

1. Yan wenten anak istri deha mobot durung mawiwaha, patut kapidabdabin sakadi ring sor:
- ha. Yan sanc lanang ngangken madrue pakardine, tur kari truna kautsahayang mangda prasida mawiwaha,
- na. Prade sang lanang tan suka nganten arep sang istri sanc mobot punika, sang lanang patut keni pamidanda manut pararem. Pamargi salanturipun katur ring guru wisesa. Ri sampun rarene embas patut kaprateka sapula pali manut agama olih sang istri,

ca. Yau sang lanang sampun madue rabi, nyangkai madueeb bobotnen, tur
mude lanang sanggup pacang ngambil sang bobot, pundi rita patut polih
ant-unlan saking rabiue sane kapertama tur sampun polih ijin saking
Pengadilan Negeri.

ca. Ki sampun rane embas patut kapakara olih sang makardi.

ka. Prade sang istri sane mobot paling pangangkene tur natujuang anak
lanang sane kasenengia, sang katujuang nenten ngangkenin indike
punika, patut kamanggih padewa saksi tur prabeanyane kamedalir
entuk sang mobot, risampune rane embas patut kapahayu sapula-pali
olih sang istri mantut ngutna.

da. Prade sang mobot nuwapaksa pangangkene, sang mobot patut marisuda
dewa tur keni pamidanda mantut pararem/indik punika kabaos nuké anyud
pati graje.

2. Saspekta oji tur kaputatang madakama sane kabaos mamitra ngalang,
demitikama, padawa lan sapamanggihane ring wewidangan desa adat. Sang
mamayang keni pamidanda mantut pararem.

PAOS 58

Sabaning krama desa sane sampun ahiki rabi, prade wenten riet ring
pambiananyane sang utri rana ngambil budal ka umahnyane pecak utawi ka
umah anak sane janten 6 (enam) sasih nama, pat sang istri wenten kayun pacang
ngawot malih, pamanggih sakadi ring sor:

1. Patu kapuputang rita indik pamanggih ngapitan,

2. Pamanggih pamidanda sakadi ring ayang

PALET 2
INDIK NYAPIHAN
PAOS 59

1. Pawiwahan kabaos palas malarapan antuk nyapihan utawi kapademan.
2. Wusan marabian santukan tunggil seda mapiteges balu minakadi balu lanang utawi istri.
3. Wusan marabian sangkaning mawiwit widara kabaos nyapihan.
4. Tata cara nyapihan sane kapatutang ring desa adat, ri sampune kaputusang antuk Pengadilan Negeri saha sampun kadambyakang olih prajuru desa sajeroning paruman.

PAOS 60

Prade wenten sinalih tunggil krama sane nyapihan, kapatutang sakadi ring sor:

1. Naur prebea ring paruman.
2. Polih pah-pahan paguna kaya.
3. Pabekelan mawali ndiri-ndiri.
4. Wewarisan kakuasayang olih sang kapurusa.
5. Patut ngwehin pangupa jiwa lan kaweruhan ring sentanannyane sapatunia.

PAOS 61

Prade riwekas sang palas marabian macihna adung malih kapatut:

1. Ngalksanayang pawiwahan malih manut pamargin pawiwahan ring ajeng.
2. Keni pamidanda manut pararem saha kadulurin banten pamrayascita.

PAOS 62

1. Balu luh sane katinggal lampus olih suaminnyane, utawi balu sane pecak nyeburin patut ngamargiang swadharmaning balu sakadi ring sor:
 - ha. Ngamanggehang pati brata, tan paradara, tan dratikrama,
 - na. Ngraksa, ngutsahayang lan miara sahanan warisan lan paguna kayan kalih sentania.
 - ca. Tan kengin ngadol, ngadeang, utawi makedihang warisan sajawaning polih kabebasan saking kulawarga rabinniane kapurusa.
2. Balu sane kabaos tan pageh ring swadhamaning balu luire:
 - ha. Matingkah dratikrama, paradara, lan sapanunggilania,
 - na. Matilar tan pasadok jantos langkung ring 6 sasih,
 - ca. Lempas ring swadhamaning balu.
3. Balu sane tan pageh ring swadhama kadi ucap ring ajeng, prade kacihna manut Ri Pramaṇa (bhukti, ilikita, saksi) salah prawertine, wenang katundung olih kulawargania. Prade kulawargania tan ngamargiang panundung inucap, wenang kulawargania tan polih panyanggra lan pangayoman banjar wiadin desa.

PALET 3

INDIK SENTANA

PAOS 63

1. Sentana wenten kalih paos luire:
 - ha. Prati sentana inggih punika sentana sane metu saking pawiwahan sane kapatut,
 - na. Sentana paperasan inggih punika sentana sane kapikolihang antuk ngedih utawi meras kadulurin antuk upasaksi sakal lan niskala saha upacara pamerasan.

2. Prade wenten pawiwahan sane tan kapatut ngawetuang sentana, mangda tan kantung kawastanin bebinjat, patut kaupakara manut agama.
3. Yan wenten krama desa maderbe pianak lanang adiri, tan dados kapakedihang sadurung polih panugrahan saking prajuru. Sang mamurug patut keni pamidanda manut pararem.
4. Ngidih sentana manut kasujatian manah/kayun sang makarsa majalaran manah lulut asih adung gilik-saguluk, kapungkur ipun jagi natak panes tis ritatkala sampun wreda.

PAOS 64

1. Sang pacang meras sentana, patut masadok ring prajuru asasih sadurung pamerasia tur patut kawentenang pasadu arep ring kulawarga warisnia.
2. Bendesa adat digelis patut nambyakang ring krama sajeroning paruman indik rencana sang pacang meras sentana.
3. Yan wenten kababatan, mangda digelis nyadokang ring prajuru masengker 21 rahina sadurung upacara pamerasan kalaksanayang.
4. Bendesa adat digelis maosin saha ngicen panuntun utawi panepas manut catur dresta muah awig-awig lan pararem desa.
5. Prade pidabdab pacang meras tan kapialang, upacara pamerasan inucap wenang kalaksanayang.
6. Prade wenten mialangin manut sulur kecaping ajeng prajuru wenang ngandeg sang pacang meras saha wenang maweh panuntun mangda wenten wirasa ring sesamania.
7. Ngadegang sentana patut macihna antuk arta brana paperasan saha kasaksiang antuk prajuru warga lan waris tur kaungguhang ring ilikita olih prajuru.

PAOS 65

1. Sane patut kaperas pinaka sentana madudunan sakadi ring sor:
 - ha. Waris aking kapurusa,
 - na. Saking warga tunggal sanggah,
 - ca. Saking wadon,
 - ra. Yan tan wenten kadi munggah ring aksara ha, na, mwanng ca, kangkat saking kulawarga siosan.
2. Upacara pamerasan patut kasaksinin olih prajuru desa, saha kapuputang antuk sulinggih.
3. Sasampune upacara pamerasan puput prajuru desa patut nambyakang indik kawentenannia marep ring krama desa sajeroning paruman.

PAOS 66

1. Sapa sira ugi pacang ngerobang utawi ngajak jadma sios kulawarga patut masadol ring prajuru kadulurin antuk ilikita sane pastika.
2. Krama desa sane ngerobang/ ngajak patut sumanggup negenang sapari lampah sang kerobang arepe ring kasukertan desa adat.
3. Prajuru desa ngungguhang pasadok punika ring ilikita saha nambyakang ring sajeroning paruman desa.

PAOS 67

1. Swadhamaning sang meras sentana patch kadi swadhamnaing guru rupaka luire:
 - ha. Maweh pangupajiwa,
 - na. Ngupakara maut agama,

- ca. Maweh saha ngutsahayang kaweruhan,
- ra. Ngupadi karahajengan manut patitis grehasta lan sapanunggalannia.
- 2. Swadhamaning sang kaadegang sentana pateh sakadi swadhamaning prati sentana.
- 3. Yan wenten sinalih tunggil sakadi kasurat ring ajeng, lempas ring sentana, patut digelis kasadokang ring prajuru tur sang malaksana keni pamidanda manut pararem.

PALET 4
INDIK WARISAN
PAOS 68

- 1. Warisan inggih punika : arta brana , saha ayah-ayahan, ngupadi sukerta sakala niskala saking kaluhurannia arep ring turunania.
- 2. Sane kasinanggeh warisan luire :
 - ha. Druce tanah turun temurun saking kaluhurannia, arta brana , sanggah/ mrajan, tanah ayah-ayahan, pusaka lan sakaluiripun,
 - na. Pagunakaya,
 - ca. Utang-piutang,
- 3. Wawu kangkat kabaos warisan prade wenten:
 - ha. Sang mapiturun kabaos ahli waris,
 - na. Katurunannya kabaos ahli waris,
 - ca. Arta brana, tetegenan lan ayah-ayahan kabaos warisan.

PAOS 69

- 1. Ahli waris luire :
 - ha. Preti sentana purusa.

- na. Preti sentana wadon sane kamanggihang sentana rajeg.
 - ca. Sentana paperasan.
2. Prade tan wenten sakadi ucap ring ajeng, kang sinanggeh ahli waris:
- ha. Paperasahan kapurusa ngunggahang makadi rerama, pekak, rerama dimisan, dimindon lan salanturipun,
 - na. Paperasahan ka samping makadi misan, mindon lan salanturnyane.

PAOS 70

Swadarmaning ahli waris sakadi ring sor :

1. Ngamargiang sahanan ayah-ayahan pawaris.
2. Ngutsahayang arta brana warisan,
3. Ngempon kahyangan, mrajan lan pura tetinggalan pawaris saha ngupakara.
4. Nglaksanayang sahanan pitra yadnyan leluhur.
5. Muputang utang-piutang pawaris.

PAOS 71

1. Warisan wau dados kepah olih para ahli waris risampun:
 - ha. Muputang pitra yadnyan pawaris,
 - na. Naurin saluir utang pawaris,
 - ca. Nyledihli sahanan ayah-ayahan pawaris.
2. Prade sajeroning pakulawargan wenten pedum waris patut:
 - ha. Kawentenang paigum indik pedum waris inucap,
 - na. Yan tan prasida, patut katunasang tetimbang ring prajuru desa,
 - ca. Prade taler tan wenten cumpu ring tetimbang prajuru desa, wenang katunasang ring guru wisesa.

3. Sane tan patut polih pah-pahan warisan luire:
 - ha. Sentana sane alpaka guru,
 - na. Sentana sane sampun nilar agama Hindu,
 - ca. Sentana lanang sampun kesah mawiwaha nyeburin.
4. Sane kpatut polih pah-pahan warisan pmupon luire:
 - ha. Sang mulih deha, mulih truna riantukan duk pawiwahania kaucap ninggal kadaton,
 - na. Balu luh sane kantun ngamanggehang swadarmaning balu.
5. Pawaris duk kantun murip kengin mapaweweh marep ring okane sane istri sane pacang kesah mawiwaha marupa:
 - ha. Jiwadana utawi pabekel tetatadan,
 - na. Paweweh padgatakala,
 - ca. Paweweh warisan siosan yan sampun wenten manah adung ring ahli waris sane wenten.

SAT SARGAH
WICARA LAN PAMIDANDA
PALET I
INDIK WICARA
PAOS 72

1. Sane wenang maosin utawi mutusang wicara ring Desa Adat Bunga Mekar inggih punika prajuru Desa utawi Kerta Desa.
2. Prade wenten wicara tan prasida ngamolihang pamutus ring Desa Adat, sang mawicara kengin nunas pamutus ring rumaos utawi guru wisesa.

PAOS 73

1. Sahananing wicara sane mawiwit saking laksana corah sane kasinanggeh nungkas ring awig-awig utawi pararem, patut digelis kabaosin olih prajuru tan nyantos pasadok.
2. Sajawaning wicara kadi kecaping ajeng prajuru wenang maosin ri sampune wenten pasadok saking sang nunas baos.
3. Panepas saking prajuru patut pastika nyantenang iwang patut malarapan antuk Tri Pramana luire: saksi, ilikita, bukti, tur taler tan maren nepek ring catur dresta, makadi : sastra dresta, purwa dresta, loka dresta muang desa dresta.

PALET 2

INDIK PAMIDANDA

PAOS 74

1. Desa utawi Banjar wenang niwakang pamidanda ring warga desa utawi banjar sane sisip.
2. Patetiwak pamidanda inucap kamargiang olih Bendesa Adat utawi Kelihan Banjar sane ngawidangin.
3. Bacakan pamidanda luire :
 - ha. Ayahan panukun kasisipan,
 - na. Danda arta marupa dedosan saha panikelania miwah panikel urunan-urunan sane siosan,
 - ca. Rerampaan,
 - ra. Kadaut tanah ayahania,
 - ka. Pamidanda siosan manut pararem.

4. Agung alit pamidanda sane katiwakang manut panglokika kasisipania.
5. Sahanan jinah utawi brana pamidanda, patut karanjingang dados druen desa utawi banjar sane ngawidangin.

PAOS 75

1. Yan wenten sinalih tunggil krama langkung ring tigang paruman utawi tigang sangkepan mamandal tan naur paturunan utawi dedosan, wenang karampag.
 - ha. Kamanggala antuk pasadok, saking prajuru marep ring sang pacang karampag,
 - na. Ngrampag kalaksanayang olih prajuru, kasarengin olih krama pinaka saksi lan pangrombo pinih akeh 5 (limang diri),
 - ca. Sang ngrampag mangda sangkaning darsana ngambil barang utawi nyawenin tanem tuuh akehnia manut agung alit utang sang karampag,
 - ra. Sahananing sane karampag patut kaunggahang ring ilikita tur kasaksiang,
 - ka. Prajru patut miteketin sang karampag mangda digelis nebas sadurung waneng asasih,
 - da. Lelangan barang sane karampag kaanggen nuku utangnia ring banjar utawi desa tur kawewehin antuk prabea pangrampagan, sisania kawaliang ring sang karampag.
3. Tan kawenangan ngrampag barang sane kainggilang manut agama miwah sane mademang pangupajiwana sang karampag.
4. Pamidanda kadi ring ajeng pastika purna buntas, yening sang sisip sampun:
 - ha. Nunas geng sinampura ring krama sajeroning paruman, riantukan purun nguak pasubaya,
 - na. Nana pamidanda panguak pasuara duk pacang karampag.

SAPTAMAS SARGAH
NGUAH-NGUUHIN AWIG-AWIG

PAOS 76

1. Nguah-nguuhin awig-awig puniki kalaksanayang antuk paruman Desa Adat Bunga Mekar.
2. Paruman inucap patut kadasarin antuk gilik saguluk-paigum pararem krama banjar.
3. Pamutus bebaosan prasida kamanggehang yaning sampun madasar antuk kayun gilik saguluk. Utawi madasar antuk pawilangan suara prade tan sida gilik saguluk.
4. Prade pamutuse madasar antuk wilangan suara, gaguatnia patut sakadi ring sor:
 - ha. Katah krama sane parum kalih pah tiga saking paigungan desane sami,
 - na. Pawilangan suara sane nganutin satenga langkung adiri saking katah krama sane parum.

PAOS 77

Rencana paruman indik pacang nguah-nguuhin awig-awig kadi ajeng kengin kamedalang antuk Bendesa Adat, Kelihan Banjar utawi saking krama ndiri-ndiri.

ASTAMAS SARGAH

SAMAPTA

PAOS 78

1. Awig-awig puniki kawastanin Awig-Awig Desa Adat Bunga Mekar
2. Awig-awig puniki manggeh kalaksanayang ring wewidangan Desa Adat Bunga Mekar.
3. Awig-awig puniki kamargiang saking kararemin antuk Desa Adat Bunga Mekar.
4. Awig-awig nganinin sahananing warga lian krama desa, miwah sakaluring sane kakuub antuk Desa Adat Bunga Mekar.



PAOS 79


1. Sakaluring pamargin sane wenten sadurungnia patut kaanutang ring sadaging awig-awig puniki.
2. Pamargin pakraman sane durung kabaos sajeroning awig-awig puniki, manggeh kalaksanayang manut tata cara sane sampun ketah mamargi, kadulurin antuk pararem desa.

PAOS 80

1. Awig-awig puniki kararemin sajeroning paruman Desa Adat Bunga Mekar duk rahina Wraspati Pahing Dukut, titi tanggal 15, Sasih Kasanga, rah, 3, tenggek, 2, Isaka 1923, tanggal Masehi 5 Juli 2001

2. Awig-awig puniki kalingga tanganin olih para Kelihan Banjar Prajuru Desa Adat, saha kasaksinin olih para manggalapraja makadi: Kepala Desa Bunga Mekar, Camat Nusa Penida, pamekas Bupati Klungkung maka murda pamikukuh.

3. Luir sang nglingatanganin :



Panyarikan,

I Made Jero

na. Saksi-saksi para Kelihan Banjar :

1. Banjar Pudukaha Kelod

I Made Jero

2. Banjar Gelagah

I Ketut Dauh

3. Banjar Pikat

I Wayan Sumantra

4. Banjar Pudukaha Kaja

I Wayan Janten

5. Banjar Behu

Agus Gede Muter

6. Banjar Penangkidan

I Wayan Lebih

7. Banjar Karang Dawa

I Ketu Rama Cahyadi

9. Banjar Sebuluh Kawan

I Wayan Amplas

9. Banjar Batu Gaing

I Made Kader

ca. Saksi-saksi para Kelihan Dusun :




Dusun Pundukaha Kelod

I Wayan Somantara

2. Dusun Pundukaha Kaja


I Wayan Mider

3. Dusun Sebuluh Kawan




I Made Danu

4. Dusun Karangdawa




I Wayan Partai

Dusun Panangkidan





I Wayan Rania


6. Dusun Batu Gaing



I Ketut Taram

ra. Para Manggala Praja Dinas :

 Kepala Desa Bunga Mekar


 Camat Nusa Penida

Ngakan Made Suardana

ka. Bupati Klungkung maka murdaning pamikukuh.

Telah dicatatkan :

Reg. Nomor : 189/01/HO/2001.

Tanggal : 7 Agustus 2001.

Mengetahui:

 BUPATI KLUNGKUNG

DOKORDA GDE NGURAH